

**FAQ – ČESTO POSTAVLJANJA PITANJA VEZANA ZA YEP JAVNI POZIV ZA PODRŠKU U
POKRETANJU I UNAPREĐENJU POSLOVNIH IDEJA**

1. Kako se podnose zahtjevi po javnom pozivu za podršku u pokretanju i unaprijeđenju poslovnih ideja?

Prijaviti se na poziv mogu samo fizička i pravna lica koja ispunjavaju sljedeće opšte uslove:

- Za fizička lica:
 - registrovani su u evidencijama nezaposlenih lica JU Zavod za zapošljavanje Republike Srpske, kantonalnih/županijskih službi za zapošljavanje u Federaciji Bosne i Hercegovine ili Zavoda za zapošljavanje Brčko distrikta BiH,
 - starosti do 30 godina u trenutku aplikacije, osim ako aplikant nije učesnik YEP Inkubatora poslovnih ideja koji je realiziran u saradnji sa lokalnim zajednicama ili učesnik neke druge aktivnosti koja je realizirana u partnerstvu sa Projektom zapošljavanja mladih YEP,
 - poslovna ideja je pozitivno ocijenjena od strane Komisije za validaciju Poslovnih ideja (nakon podnošenja aplikacije).
- Za pravna lica:
 - ako se radi o privrednom društvu, u trenutku podnošenja zvaničnog zahtjeva za podršku, pravno lice nije starije od 6 mjeseci (računajući od dana registracije);
 - ako se radi o organizaciji civilnog društva, fokus aktivnosti organizacije je na: (1) populaciji mladih, (2) specifičnim ranjivim ciljnim grupama ili (3) oblasti ekonomskog razvoja i preduzetništva;
 - poslovna ideja koja je rezultat ovog procesa je pozitivno ocijenjena od strane Komisije za validaciju Poslovnih ideja (nakon podnošenja aplikacije).

Aplikanti preuzimaju obrasce sa web stranice i popunjavaju tražene informacije, u slučaju da se obrasci popunjavaju ručno potrebno je čitko i štampanim slovima popuniti sva polja. **Zahtjev se neće razmatrati ako nije ovjeren vlastoručnim potpisom podnosioca zahtjeva.**

Uz zahtjev za dodjelu **bespovratnih sredstava** se obavezno prilaže sl. dokumentacija:

- Uvjerenje o mjestu prebivališta (CIPS);
- Poslovni (biznis) plan;
- Broj računa u poslovnoj banci na koji će se, u slučaju odabira aplikacije, sredstva doznačiti
- U slučaju izrade prototipa, ovjerena fotokopija profakture/predugovora/ponude po kojoj se izvršava ulaganje u razvoj prototipa, ne starija od 30 dana od dana podnošenja zahtjeva;
- U slučaju zahtjeva za refundiranje troškova registracije poslovnog poduhvata neophodno je da je registracija poslovnog poduhvata finalizirana u periodu ne dužem od 6 mjeseci od dana podnošenja zahtjeva. Uz zahtjev se prilažu kopije računa, plaćenih taksi, notarske obrade itd.
- U slučaju zahtjeva za troškove registracije zahtjev je neophodno predati prije same registracije, dostavlja se spisak planiranih troškova, izlistati svaku stavku. Po odobrenju zahtjeva, korisnik izvršava registraciju u roku od 30 dana i dostavlja kopiju dokumentacije o nastalim troškovima registracije kao i samo rješenje o registraciji.
- U slučaju zahtjeva za finansiranje troškova nabavke opreme ili stalnih sredstava, uz zahtjev ste obavezni priložiti predračun za nabavku traženih artikala. Po odobrenju zahtjeva, korisnik

izvršava nabavku u roku od 30 dana i dostavlja kopiju dokumentacije o nastalim troškovima (račun i izvod iz banke).

Uz zahtjev za dodjelu sredstava u vidu konvertibilnog zajma obavezno se prilaže:

- Uvjerenje o mjestu prebivališta (CIPS);
- Ovjerena kopija rješenja o registraciji djelatnosti;
- Kopija Uvjerenja o poreznoj registraciji (ID broj);
- Kopija prijave na obavezna osiguranja u Poreskoj upravi;
- Broj računa registrovane djelatnosti u poslovnoj banci na koji će se sredstva doznačiti;
- Original profakture/predugovora/ponude po kojoj se izvršava investiciono ulaganje, ne starije od 30 dana od dana podnošenja zahtjeva;
- Poslovni plan kojim se adresira na koji način će investicija unaprijediti poslovanje;
- Da je osnivač privrednog subjekta istovremeno i zaposlen/a na neodređeno vreme u tom privrednom subjektu, a ukoliko postoji više osnivača, potrebno je da su svi fizička lica i da bar jedan od osnivača ispunjava ovaj uslov.

ZAHTJEV I PRATEĆA DOKUMENTACIJA SE DOSTAVLJAJU ISKLJUČIVO PUTEM POŠTE ILI LIČNO U ZATVORENOJ KOVERTI NA ADRESU:

**GOPA PREDSTAVNIŠTVO U BIH
La Benevolencija 8
71 000 Sarajevo**

2. Bespovratna sredstva u maksimalnom iznosu od 5.000 KM - koje vrste troškove se mogu refundirati?

Bespovratna sredstva u maksimalnom iznosu od 5.000,00 KM su namijenjena fizičkim licima koji su u proteklih 6 mjeseci registrovali svoju djelatnost ili je planiraju registrovati u roku od 30 dana od dana odobrenje zahtjeva za dodjelu bespovratnih sredstava.

Bespovratna sredstva se mogu koristiti isključivo u svrhu refundiranja ili plaćanja sl troškova:

- Trošak registracije djelatnosti (uklj. i fiskalizaciju) - osnov za refundiranje su fakture, uplatnice i računi za razne takse
- Izradu prototipa - osnov za refundiranje je profaktura ili ako je prototip već izrađen fakture za izradu istog ili nabavke materijala za izradu prototipa
- Nabavka opreme i materijala za obavljanje djelatnosti - osnov za obračun iznosa bespovratnih sredstava su profakture za nabavku potrebnih artikala

Troškovi kao što su isplate ličnih dohodaka, doprinosa, poreza i drugih zakonom propisanih obaveza ne mogu biti predmet razmatranja i ulaganja bespovratnih sredstava.

Troškovi registracije se priznaju za fizičko lice koje je podnosilac zahtjeva odnosno koje je registrovalo poslovni subjekt, a potom nabavku opreme vrši registrovani sp/obrt odnosno privredno društvo.

Refundacija sredstava vrši se nakon što korisnik sredstava dostavi kopiju i dokaz o plaćanju računa kojim dokazuje da je nabavljena oprema u skladu sa dokumentacijom dostavljenom uz zahtjev.

3. Možemo li istovremeno dostaviti zahtjev za bespovratna sredstva i konvertibilni zajam?

Fizičko lice koje je u planu da registruje svoju djelatnost ima pravo aplicirati na bespovratna sredstva, pravno lice koje je već registrovano ima pravo aplicirati na bespovratna sredstva **i/ili** konvertibilni zajam. Lice koje podnese aplikaciju za bespovratna sredstva nakon izvjesnog vremena (ukoliko procjeni da postoji potreba za preregistracijom u d.o.o.) može podnijeti i zahtjev za konvertibilni zajam uz obrazloženje kako će investicija uticati na razvoj biznisa.

4. Kako izgleda proces nakon dostavljanja zahtjeva po javnom pozivu?

Komisija zasjeda jednom sedmično i razmatra zahtjeve koji su dostavljeni kompletni sa svom pratećom dokumentacijom. Zahtjevi koji nisu dostavljeni sa svom pratećom dokumentacijom se vraćaju podnosiocima uz informaciju da je za obradu zahtjeva potrebno dostaviti dodatnu dokumentaciju - rok za dopunu zahtjeva je 10 kalendarskih dana.

Tokom razmatranja pojedinačnih zahtjeva komisija detaljno pregleda dostavljeni poslovni plan i prateću dokumentaciju, provjerava navode iz zahtjeva sa informacijama iz poslovnog plana i u konačnici definiše posebne zahtjeve za svakog podnosioca zasebno.

Npr: ako je podnosioc zahtjeva u poslovnom planu naveo da će zaposliti jednu osobu u periodu nakon odobrenja bespovratnih sredstava, taj uslov se definiše kao poseban uslov uz ugovor.

5. Šta je tačno konvertibilni zajam?

Osnovni princip koncepta podrške preduzetnika unutar YEP Inkubatora poslovnih ideja je da se stvori sistem koji će samostalno finansirati osnivanje i pakete podrške novim poduzetnicima u budućnosti. Namjera nije da se sredstva dodijeljena putem konvertibilnog zajma vraćaju uvećana za određenu kamatu, namjera je da se iznos zajma preračuna u udio preduzeća i u obavezu preduzeća da svoje eventualne dobiti uplaćuje u fond za dalje poticaje pokretanju preduzetničkih ideja.

Sama izlazna strategija se utvrđuje sa svakim korisnikom pojedinačno (npr. otkup udjela vlasništva Fondacije nakon određenog perioda, uplata dobiti u skladu sa ostvarenom dobiti i djelom u vlasništvu i sl.).

6. Da li je prije popunjavanja Zahtjeva za dodjelu konvertibilnog zajma potrebno registrovati firmu

Konvertibilni zajam se može dodijeliti samo registrovanim pravnim licima odnosno privrednim društvima (d.o.o.), potrebno se registrovati da bi se mogao uputiti zahtjev za konvertibilni zajam. Pravno lice mora uspješno funkcionisati te ponuditi obrazloženje na koj će način konvertibilni zajam uticati na razvoju biznisa.

Kako za konvertibilni zajam mogu aplicirati samo privredna društva odnosno d.o.o. zainteresovani korisnik sredstava može podnijeti zahtjev za bespovratna sredstva za troškove registracije d.o.o. i nabavke osnovnih sredstava u vrijednosti do 5.000 KM, a nakon poslovanja 6 mjeseci d.o.o. može podnijeti zahtjev za konvertibilni zajam.

Zadruga i NVO ne mogu aplicirati za konvertibilni zajam izuzev donošenja odluke da isti registruju d.o.o. U slučaju poslovnih poduhvata koje pokreću zadruga ili NVO a koje spadaju u oblast socijalnog/društvenog preduzetništva, zahtjevi se razmatraju individualno. YEP poziva potencijalne

socijalne/društvene preduzetnike da apliciraju sa svojim poslovnim poduhvatima a uslovi za ostvarenje finansijske podrške će biti razmatrani u kontekstu potreba tog konkretnog društvenog biznisa.

7. Rok za donošenje odluke o podnesenim zahtjevima

Rok za donošenje odluke je 30 kalendarskih dana od dana podnošenja zahtjeva.

8. Da li mogu mijenjati biznis plan kojeg sam prezentirao tokom prezentacije poslovnih ideja, s obzirom na promijenjene okolnosti od tog perioda do dana podnošenja zahtjeva.

S obzirom da biznis plan predstavlja Aneks Ugovora koji se potpisuje između YEP-a i korisnika sredstava jako je bitno da se biznis plan pregleda i eventualno izmijene ključne činjenice (npr. u biznis planu stoji da će se registrovati d.o.o. i do kraja 2018. zaposliti 2 osobe, a promijenjena okolnost je da će se registrovati sp/obrt i zaposliti jedna osoba, zatim planirana zahtijevana sredstva u iznosu od 25.000 KM, s obzirom da se npr. aplicira za grant potrebno je navesti 5.000 KM što zatim ima implikacije i na finansijske projekcije). YEP tim stoji na raspolaganju za podršku korisnicima za ažuriranje biznis plana.

Dozvoljena su prethodno navedena manja odstupanja, dok bit i prezentirane informacije vezane za poslovnu ideju ne smiju biti mijenjane.

9. Da li sada mogu aplicirati za bespovratna sredstva a sredstva koristiti nakon određenog perioda s obzirom da se radi o sezonskom poslu?

Da. Kada se radi o sezonskim poslovima ili kada se radi o drugim uslovima koje je neophodno pojasniti u zahtjevu za dodjelu sredstava i biznis planu, YEP će dozvoliti korištenje sredstava nakon određenog perioda, što se precizira u Ugovoru koji se potpisuje sa korisnikom.

10. Da li dobivena podrška YEP-a onemogućava korištenje podrške od strane drugih donatora (npr. Službi/Zavoda za zapošljavanje i dr.)?

Ne. YEP-ova podrška ne isključuje drugu vrstu podrške koju učesnik YEP inkubatora može dobiti od drugih donatora.